

ԳՆԻԱՌԱԿԱՆ ՔՐԹՆԻԿ

Մ Ե Ր Կ Ե Ա Ն Ք Ի Ց

III.

Ծանօթացանք մեր վերանորոգւող ընտանիքի մի քանի գծերի հետ. տեսանք որ նա աւագի վերաջ հաստատուած շինութիւն է: Կը գտնւին մարդիկ, որոնք դժգոհ կը լինին ալդ հարեանցի ծանօթութիւնից: Անբաւականութիւնն ինքն ըստ ինքեան հասկանալի է. ինչպէս կարելի է վատ անուանել ալն, ինչ որ գեղեցիկ, ցանկալի է ամբողջ աշխարհի համար. ուրեմն վատաբանում են լուսաւորութիւնը, քաղաքակրթութիւնը, վերանորոգութիւնը: Իսկ սրանք ալնպիսի գեղեցիկ, պաշտելի բառեր են... Կան մարդիկ, որոնք գժուում են ալդ գեղեցիկ բառերի վերաջ, հողով ու մարմնով գերի ու սարով են դառնում ալդ բառերին. մինչև անգամ լանցանքներ են գործում նրանց պատճառով, գործում են և իրանց խիղճը հանդատացնում են նրանով, որ լանցանք գործել են լանուն և ի փառս լուսաւորութեան, քաղաքակրթութեան: Ինչ որ ուղում է՝ թող լինի, միայն թէ մէջ տեղ լուսաւորութիւն, քաղաքակրթութիւն, լաւաջադիմութիւն բառերը գործածւին: Դեհնք թէ կեանքի մի որ և իցէ կողմը ալնանդակութիւն կարելի է անուանել, բայց միթէ հէնց ալդ պատճառով պէտք է չետադիմել, զգուշ լուսից, փալից, շնորհից: Այդպէս դատում են, ալնպէս համոզւում և ականջ խցած, ոչ մի առարկութեան, ոչ մի բողոքի ուշադրութիւն չը դնելով, առաջ են վաղում: Անընկճելի ոգի է առաջ վաղելու ոգի: Կարելի է երեսի վերաջ թողնել ծերացած հալր ու մայր, եթէ սրանք մի քիչ խանգարում են առաջ դնալիս. կարելի է երեսաներ քաղցած թողնել, կիներ վերջին թշուառութեան հասցնել, եթէ սրանք ծանրանում են առաջ վաղողի ուսերի վերաջ, հարկադրում են երեմն կանգ առնել, իրանց համար մտածել տալ: Ժամանակն ալս է պահանջում, համողմունքը, հասկացողութիւնը անդադար կարգում են ականջի մէջ, որ պէտք է չետ չը մնալ: Միայն ալն է լաւ, ինչ որ սիրտ է ուրախացնում, զարճութիւն, զմպլութիւն է պատճառում, ինչ որ չարմար է մի թեթև և սիրուն կեանք վարելու համար, ինչ որ գեղեցիկ է, կոկ, լպտած, սիրունացած: Տեսնել չուք և զարդարանք, նստել փափուկ ու չարմար կառքերում, տեսնել մի անհոգ, զարճացող ամբոխ, տեսնել սիրուն թիթեռնիկ-

ների պէս դէպի ամեն կողմ սրացող գեղեցիկ արարածներին, խառնել մի աղմուկի, իրարանցումի մէջ, զգալ մի թեթև, զւարթարար մեծակութիւն, չ'իմանալ թէ ինչ է գրկանքը—ո՛ւմ չէ չափնի, որ ժամանակակից կեանքի—և գեղեցիկ կեանքի—տենչալի պատկերը սա է։ Այս ասելով ես ի նկատի չ'ունիմ միայն մեծ քաղաքների կեանքը. գաւառական փտած ու հոտած քաղաքներում, նոյն իսկ մեծ գիւղերում, նկատելի է նոյն ձգտումը. ալք տեղերում ոչ մի բան արգելք չի լինում մարդկանց կերպարանափոխելու ցանկութեանը. տեսնում էք նեղ ու հոտած փողոցներում թեթև և սիրուն կեանք վարողներին, տեսնում էք աղբակոյտի վերայ կանգնած մարդուն, որի ամեն մի շարժողութիւնը, ամեն մի խօսքը պարզ և հասկանալի պահանջ է. նոյն իսկ մի խեղճ կօշկակարը Աստուած գիտէ թէ ինչ է երևակալում իրան...

Աղչալիսի տենդալին արագութեամբ է մեր մէջ թափանցում ժամանակի պահանջը, աչն, ինչ որ լուսաւորութիւն, լառաջադիմութիւն է կոչւում։ Այդ պահանջը աչնքան խառնել, տակն ու վրայ է արել մեր մշտնջերը, հասկացողութիւնները, աչնալիսի մեծ ուժով է ձմել, տափակացրել մեր կամքը, որ մենք միայն մի բան գիտենք—լարմարեւ ժամանակին, գնալ նորա հետ արագութեամբ. Յետ նալել, քիչ կանգ առնել և մտածել անցած թողածի մասին, մտածել թէ ինչ են նրանք, որ չետ են մնացել, որ չեն կարողանում առաջ գնալ, կերպարանափոխել, հասկանալ կեանքը աչնպէս, ինչպէս հասկանում են նոր հոտով, նոր համով հարբածները—ալդ անկարելի է, անօգուտ է, աւելորդ աշխատութիւն է։ Յետաժնացը չ'ին է, փտած է, ժամանակից դուրս է։ Հեռու ալք փտած, նեխած կեանքից, ալք ճահճալին անշարժութիւնից։

Բայց ալք լիշատակութեան, ինքնամոռացութեան ժամանակ էլ լինում են ժամեր, բոլոքներ, երբ միտքը իրանն է պահանջում, մարդը որոնում է իւր հոգու համար հանգստացնող, թարմացնող կերակուր։ Նա չոգնում է անչափ ոգևորութիւնից, նա կշտանում է սէրից և տխուր ու չուսահատ կանչում է. «այս ամենը շատ լաւ, բայց ինչո՞վ ապրել, ինչն ընտրել նպատակ, ինչո՞վ ղեկավարել»։ Սարսափելի հարց... Մարդն իմանում է որ հոգին քաղցած է, ծարաւ է, նա որոնում է մի բան, աչքի առաջն է բերում հարկւրաւոր երևույթներ, փշով է նրանց մանրամասնութիւնները, բայց տեսնում է որ ներքինը դրանցով չի կշտանում, ընդհակառակն, չետ է մղում, չի ուզում հաշտել նրանց հետ։ Ուրեմն չը կալ հոգու աշխարհ, վճռում է մարդը և սաստիկ տխրած, սաստիկ ճանճրացած՝ իւր տեսած կեանքին աչնալիսի անուններ է տալիս, որպիսին երբեք չի տալ «եօթն սար չետ մնացածը», աչնալիսի մարգը, որ անշարժ է, ալք անշարժութեամբ պախարակած, մոռացած։ Նա ինքն իրան ասում է, որ ալք փալուն կեանքը մի գեղեցիկ դատարկութիւն է, մի սիրուն անմոռութիւն։ Զը կալ իդէալ, նա չը գիտէ թէ ինչը պիտի պաշտէ, որն է

ալն սրբութիւնը, որի առաջ հոգին կը բացւի, ցոյց կը տալ գործելու, տաքանալու, ստեղծելու եռանդն ու մեծ կարողութիւնը: Ո՛չ, այս բոլոր եռացման, այս բոլոր փալլի, շուքի մէջ միտք, հոգի չը կալ, կրկին և կրկին հաստատում է նա և լուսահատում, կծկում, կուշ դալիս: Վաղուց է, որ մենք բոլորս գանգատում ենք ալդ հիասթափման վերայ, վաղուց մենք հասկացել ենք, որ մեր դժբաղդութիւնը նրանում է միայն, որ մենք իդէալ, սրբութիւն գտնել չենք կարողանում և հէնց ալդ պատճառով այնքան թուլ ենք, անզօր, կամքից զուրկ, անհաստատ, երերուն, խեղճ հալ երիտասարդ... Ինչքի չի արել նա, որ մի քիչ առաջ գնալ, ինչ զոհեր չի տւել ժամանակի պահանջին, ինչքի չի կորցրել իւր ոգևորութեան համար: Նա անգիր է արել եւրոպացի հեղինակներին, անթիւ անգամ կրկնել է նրանց մտքերը. նա ատել, մոռացել է իւր մալրենի լեզուն, համարելով նրան անկարգ և անպիտան մի բան, որ անարժան է մեծ մտքերին, մեծ գաղափարներին սպասաւորելու համար: Բաւական չէ որ ինքն է մոռացել, ատել, դեռ նոյն սովորացրել է իւր քրոջը, իւր մօրը, որպէս զի միտքը, երջանկութիւն տուող գաղափարը ամեն կողմից գրկէ նրանց: Եւ չը նալած ալդ բոլորին, նա դարձեալ ասում է, որ իդէալ չը կալ. նա իւր արածներից, իւր իմացածից չի կարողացել մի բան ընտրել, որին հանգիստ խղճով և հոգով երկրպագութիւն տար: Նա ալդ բոլորից վտու տեսնում է, որ փակած է մի նեղ, փոքրիկ աշխարհի մէջ, ուր իւր նսամոլութիւնն է միայն երևում. նա միայն իրան է ճանաչում, միայն իրան է հաւանում: Ամեն մէկի բարի ցանկութիւնն է ցոյց տալ որ ինքն ալդպէս չէ, որ նա գտել է մի ալնպիսի իդէալ, վերացական բարձր գաղափար, որի սրբութեան առաջ ամենքը պիտի գլուխ բաց անեն: Բայց և ալդպէս, դարձեալ նկատում է դատարկութիւնը, դարձեալ լսում է ամենքի բերանից. «Տէր Աստուած, միթէ աշխարհումս ալ ևս բարձր ու գեղեցիկ միտք չը կալ. միթէ իդէալը այն ստոր հաճութենքն են, որ կլանել են մեզ»: Որքան խղճալի դրութիւն:

Մենք այս ու այն պատին ենք զարկում մեր գլուխները, մենք տրաքում ենք ալդքան ի զուր որոնելուց: Բայց մի անգամ չենք ուզում հասկանալ, որ ալդ պաշտած իդէալը երկնքի մանանալ չէ, որ, մեր կամքը չը հարցնելով, թափւի մեր գլխին: Ո՛չ, երկինքը ալդպիսի բան անել չի կարող. միտքը, գաղափարը, իդէալը պիտի ծնւի մարդկանց միջից, նրանց կեանքից, նրանց անցկացրած օրերից: Չ'ոչինք համբերութիւն, չենք կանգնում, նալում, հանգիստ կերպով հետազօտել, մաքրել ու մաքուրը վերցնել չենք ուզում, ալ ընդհակառակն, հոսանքի հետ լողալով, միայն արտաքին փալլ, դրսի սիրունութիւն որոնելով, մեզ վերալ ամենաստոր կարծիքն ունենալով, միշտ իդէալի ծարաւ կը մնանք, միշտ կը զգանք, որ մենք մի բան պիտի լինէինք, բայց մի բան չենք: Միթէ ճիշդ է, որ մեր կեանքը ամբողջապէս մի ապականութիւն է, մի ալնպիսի տգեղ բան, որից մի-երկու հատ բան

չի կարելի վերցնել և ապա դիմել դէպի լուս, դէպի քաղաքակրթութիւն, Մենք ապ հարցը չենք տալիս մեզ, որովհետեւ միանգամայն մենք մեղ վատ ենք համարել, պրծել, Հարցը վճռելու համար՝ մի թեթեւ ծանօթութիւն էր հարկաւոր մեր «ունեցած-չունեցածի» հետ: Բայց «մեղաւորին ո՞վ է տուել արքայութիւն», ասում է մեր ժողովուրդը:

Եւ չեմ կարծում թէ մեղանում կը լինի մարդ, որ չի ընդունիլ թէ ինքը երբէք սիրած չէ մեր հասարակ դասի ալս ու ալն կողմը: Ամենքը գիտեն, որ կալ հետաքրքրութեան արժանի ժողովրդական կեանք, բայց բաւականանում են նրանով, որ իրանք ալք բանը գիտեն: Միմեանցից պահանջում են ուսումնասիրել ալք կեանքը, միմեանց չլինելին են դնում ալք դժարութիւնը, կարծում են թէ ալքպէս պահանջելով, կատարել են իրանց պարտքը: Խնչո՞ւ չեն տեսնում, ինչո՞ւ չեն մտնում, իմանում և ամեն մէկը իւր կարողացածի չափ չի ուսումնասիրում: Ես հաւատացած եմ, որ մեր տխուր երիտասարդութիւնը շատ բան կը գտնէր հասարակ ժողովրդի կեանքի մէջ, գուցէ ալքտեղից նա կը վերցնէր իւր իդէալները, գուցէ ալք կեանքի միտքը հասկանալով նա կ'ազատէր իրան տանջող հարցից՝ թէ ինչը նպատակ ընտրել, ինչը պաշտել: Ալք կեանքը, որ խոստանում է մեղ շատ բան հասկացնել, մեղանից հեռու է. նա գտնւում է մոռացած, կեղտոտ գիւղերում, նա գտնւում է նաև քաղաքների հեռու, անլալ տնկիւններում: Աղքատի տեղերում է ապրում հալ նախնական ընտանիքը, որ դեռ ևս չի հողմահարւում ամեն կողմից:

Ալք ալն կեանքն է, որը մենք ոգևորւած՝ անուանում ենք նահապետական պարզ կեանք:

Նահապետական ասելով, մենք, ի հարկէ, չենք երևակայում ալնպիսի կեանք, որ գոյութիւն ունէր Հոմերոսի ժամանակ. մենք շատ լաւ գիտենք, որ մեր գիւղերում չը կալ հին, նահապետական աշխարհի ալն կենցաղը, որի պարզութիւնը, աւանդութիւնները ոգևորել են բազմաթիւ բանաստեղծական հանճարներին: Հնութիւնից ալստեղ քիչ բան է մնացել. չը կալ ալն միամտութիւնը, ալն պարզութիւնը, որ հնութեան հոգին էր. և մենք նահապետական ենք անուանում գիւղի կեանքը աւելի ալն պատճառով, որ ալք կեանքը շատ հեռու է մնացել մեր չառաջագիմութիւնից: Ասելով պարզ կեանք, մենք, ի հարկէ, չենք հասկանում նախնական հովական կեանքը. պարզ ենք անուանում ալն պատճառով, որ ալք կեանքը չ'ունի մեր չառաջագիմ աշխարհի անհամար պահանջները, ճաշակի խորութիւնները, մի խօսքով ալն բոլոր մանր թէ մեծ ցանկութիւններն ու քմահաճութիւնները, որոնք ալք աշխարհի հոգին ու կրակն են կազմում: Նահապետական պարզ կեանքը, որ մենք երբեմն փչում ենք մեր գրութիւնների մէջ, երբ խօսք ենք սկսում միամտութեան, անմիդութեան և տգիտութեան մասին, ոչ ալն սիրուն, դիւցազնական և ասպետական կեանքն է, որի փշատակը, որի պատկերը մարդու անփոխարի-

Նեղի քաղցրութիւններէն գլխաւորն է, ոչ էլ ալեքան է պարզ, որ կարողանա՞ր մի երկու գծերը ըմբռնելով ասել թէ հասկացել ենք ամեն ինչ, Ո՛չ, դա մի բարդ բան է. դորա մէջ կան մարդարիտներ, որոնց վերայ սիրահարեւ կարելի է, կան և սարսափելի դառն պտուղներ, որոնցով հարկւրաւոր կեանքեր են թունաւորուած: Դառնութիւնն ու քաղցրութիւնը ալեպէս չենք կապակցութիւն ունին միմեանց հետ, որ բաժանել, մէկը կամ միւսն ընտրել անկարելի է: Մեր կողմից դեռ բաւական աշխատութիւն է հարկաւոր դառնութիւնը քաղցրութիւնից բաժանելու համար, մեղ վերայ դեռ պարտք կալ ընտրութիւն անելու, լաւի և վատի ընտրութիւն:

Մեր նահապետական պարզ կեանքը ունի իւր գոլութեան համար մի անհրաժեշտ պահանջ, որի մէջ պարզ երևում է նորա կոչումը, նշանակութիւնը: Այդ պահանջը աշխատութիւնն է: Առանց ֆիզիքական, կոպիտ աշխատանքի, առանց մշտական դործունէութեան անհասկանալի է ալք կեանքը, նա հանգստութիւն չ'ունի: Աշխատութիւն ասած բանից աւելի հասկանալի, ընդհանուր միտք չը կալ նահապետական կեանքի մէջ. ամեն ինչ—ժողովրդական իմաստութիւն, աւանդութիւններ, բազմաթիւ ծէսեր, սովորութիւններ միայն ալք աշխատութիւնը իբրև անհրաժեշտ պահանջ, իբրև կենսական խնդիր պարգեւու համար է: Աշխատութիւնն է, որ հաղին դործեր է կատարում, ընտանիք, հասարակութիւն է կազմում, մարդուն հասկացնում է այս աշխարհի միտքը, նշանակութիւնը, տուն, սեպհական շահ, դաւակ, ուրախութիւն և դառնութիւն է ստեղծում: Աշխատութիւնը սուրբ է, ազնիւ մարդու դրամադուրը, բարօրութեան գրաւականը իւր թափած արիւնքորտինքն է և դրանից, լոկ դրանից, ստանում է իւր ապրուստը: Նա ունի մի միտք, որ միակ կանգնած է նորա աչքի առաջ—ապրել, ինչպէս ուրիշներն են ապրում: Եւ ալք մտքի համար նա հոգով ու մարմնով նւիրում է աշխատանքին: Նա աշխատութիւնից չի վախում, որովհետև մի ուրիշ բան չէ իմանում, որ ապրելու համար նոյն ազնիւ միտքն ունենալ, որպիսին ունի աշխատութիւնը: Անպալման կերպով հաւատալով իւր գործին, նա անում է, աշխատում, մաշեցնում է իւր մարմինը առաջնորդ ունենալով միալն մի լոյս: Նա գործ ունի բնութեան հետ. իսկ բնութիւնը մարդու կամքին ու ցանկութիւններին չի հնազանդւում. բնութիւնը անթիւ և անհամար արգելքներ է դնում մարդու առաջ, դժարացնում է նորա գործը: Բայց քանի կալ մեծ, անխախտ լոյսը, որ աշխատութեան հիմքն է, բնութիւնից ձեռք վերցնող չը կալ: Գործի մարդը իրանն է անում, ցոյց տալով մի զարմանալի տոկոսութիւն, կամքի ուժ: Նա մեծ պահանջ չ'ունի. նա չկամ չէ. միանգամից բարձրացնել իւր դրութիւնը, աղատել ճնշող հանգամանքներից,

ապրել աւելի անհոգ, աւելի լաւ, ալնպէս, որ գոնէ իւր չարչարանքի մի մասը պակասացնէ—ալդ բոլոր ցանկութիւնները նորա համար մեծ գին չ'ունին. նորա համար բաւական է անտրտունջ նստել իւր տանը և գոհ սրտով ասել թէ իւր երեխան, իւր ընտանիքը կուշտ է: Ահա ալն վերջնական նպատակը, որին ծառայում է նահապետական մարդը: Ալդքան աշխատել, ալդքան գրկանք կրել, գառն արտասուք, առատ քրտինք թափել իւր ընտանիքի ամբողջութեան, բարի օրուայ համար—այս է սուրբ դադափարը: Ընտանիք—այս է ալն որոշ, աչքի առաջ կանգնած կենդրոնը, որ ղէպի իրան է ձգում մարդկանց ուժերը, միտքը, հասկացողութիւնը:

Ինչպէս ուզում է, թող լինի, ուրախութեամբ թէ տրտմութեամբ, լաջողութեամբ թէ բիւրաւոր ցաւեր կրելով, բայց ամեն մէկն աշխատում է ընտանիքի օգտին: Անձնական ոչինչ չը կալ իւրաքանչիւր անդամի համար. անձնաւորութիւնը «եսը» մոռացւում է ընտանիքի շահերի առաջ: Աշխատում, հաւաքում են մեղուների պէս: Մէկը արտից է մի ջուլ ցորեն բերում, միւսը իւր ծախած մի բեռն փալտից մի քանի կոպէկ, մի ուրիշը օտարի դրանը արած ծառայութեան վարձը. ալդ բոլորը գուցէ չնչին, աննշան արդիւնքներ են, բայց հալալ աշխատանք են, որ միատեսակ եւ ունայնութեամբ հաւաքւում է միասին. ամեն մէկն իւր պարտքը կատարում է, իւր բաժինը ներս բերում և ալնուհետև իւր բաժնի տէրը չէ. ալդ ժողովածուն, մատների ծալքերով մի կերպ հաւաքածը ամբողջ ընտանիքի սեպհականութիւնն է: Աչքի առաջ կալ մի ընդհանուր մերկութիւն, որ պիտի ծածկւի անխտիր. ամենքը գիտեն մի քաղցածութիւն, որ պիտի վերացւի տանից: Էլ չեն հարցնում թէ ով է արժանաւորը կամ անարժանը, ով է շատ բերել և շատ ստանալու իրաւունք ունի: Ամենքը հաւասար են, ամենքը միատեսակ ծառայ են, որ պիտի խոնարհւին ալն առողջ և ամբողջ մարմնի առաջ, որ ընտանիքն է:

Սակալն, ընտանիքը մենակ դրսի բերածով չէ կենդանի. ոչ, ընդհակառակն, դրսից ալդպիսի հնազանդութեամբ բերելը, ամեն կոշտ և ուժասպառ աշխատանքի լանձնառութիւնը հաստատ և անխախտ է լինում ներքին ուժի ազդեցութիւնից: Ընտանիքն ունի և մի բարդ, ներքին կեանք, որ նոյնպէս աշխատութիւն է պահանջում, նոյնպէս կենդանի է միալն աշխատութեան շնորհիւ: Թէև դրսի աշխատութեան տէրը տղամարդն է, իսկ ներքինի տէրը—կինը, բայց աշխատութեան լատկութիւնն ալնպէս է, որ երկուսն էլ խառնւում են միմեանց հետ, մի և նոյն աշխատաւորներն են պահանջում: Տղամարդը և կինը ձեռք ձեռքի տւած են կատարում ալն, ինչ պահանջում է կեանքը: Տղամարդը անխոնջ աշխատում է, կինը նրանից պակաս բաժին չ'ունի աշխատութիւնից: Մեր քաղաքակրթւած կեանքը կնոջը հեռացնում է ծանր աշխատանքից, տալիս է նրան միջոց հանգիստ ու անհոգ ապրելու, որովհետև ալդ կեանքում կինն ունի իւր նշանակութիւնը, իւր կոչումը. նա պիտի պատկերացնէ քնքշութիւնը, որ թուլութեան

և անկարողութեան է հասնում. նա պիտի գեղեցիկ լինի, պիտի սրտի լարեր շարժէ, պիտի մարդ զարմացնէ, չափշտակութիւն պատճառէ իւր թեթեւ, օգտին կաղմածքով, իւր «նազ ու սաղով»: Բայց նահապետական կինը բոլորովին աչկոյում ունի: Նորա վերաջ ծանրանում է ահագին լուծը. նա մալր է, տանտիկին է, նա և տղամարդ է, երբ տղամարդը կամ բացակա է, կամ թէ հիւանդ, մեռած: Նա արեւմտեան անշնան անձնաւորութիւն է. նա ինքն է, որ կապում է ընտանիքի անդամներին միմեանց հետ, նա ինքն է, որ պահում է տունը, աչն մեծ բանը, որ օջախ է կոչւում: Չը նայելով աչդ մեծ գերին, նա չ'ունի գոռոզութիւն, ինքնահաւան չէ և բոլորովին աչն միտքը չ'ունի, թէ իւր գոյութիւնը ընտանիքի միւս անդամներից շատ գերադանց է, թէ առանց իրան մնացածները չեն կարող ապրել: Նա ընկեր է իւր տղամարդին, բառի բուն նշանակութեամբ: Ամեն օր, ամեն մի քաջութիւն պատահում են գէպքեր, որոնք աչդ հն հաստատում: Նա կը բերեմ մի դէպք:

Մի սարսափելի վատ օր ես ճանապարհորդում էի Սիւնեաց երկրում: Զիւնախառն անձրևը թափւում էր անդադար և նրանից ծածկւելու համար բաւական չէին ոչ անձրևակալը, ոչ էլ «նափունջին». մանաւանդ անտանելի էր Սիւնեաց աշխարհի հոշակած ցեխը, որ անասելի տանջանք էր պատճառում ձիուն. նորա ոտները կամ խրւում էին մինչև ծնկները, կամ սահում էին երկար տեղ և նա զօռով էր պահւում վալը ընկնելուց: Աղախի մի օր ես տեսաչ մի կնոջ, որ գնում էր ոտաբոքիկ մի ձիաւոր տղամարդի հետ: Կինը բաւական նեղացած էր երևում, քրտնած աչդ դժար ճանապարհից. աչն ինչ տղամարդը հանգիստ նստած էր ձիու վերայ, փաթաթւած կնոջ կարմիր շալի մէջ և դեռ ժպտում էլ էր: Նա հարցրի և իմացաչ, որ նա աչդ կնոջ ամուսինն է. և երբ լանդիմանցի նրան, որ տղամարդ լինելով ձի է նստել, հարկադրելով կնոջը աղախի տանջանքներ կրել, նա շարունակեց ժպտալով ինձ նայել. իսկ կինը նորա փոխարէն հասկացրեց ինձ, որ ինքն էլ է աչդ ձիու վերայ նստել երկար տեղ, բայց որովհետև իւր տղամարդը նեղացել է, աչդ պատճառով հիմա էլ ինքն է ոտով գնում, որ մարդը հանգստանաչ: Աչդ բաւական չէր, նա ինձ հասկացրեց, որ ձի նստած մարդը առհասարակ հեշտ է մրսում, ուստի ինքը իւր գլխի շալը վերցրել է և նրանով իւր մարդուն փաթաթել: Նա աչդ պատմում էր առանց տրտունջի, նորա խօսքերը հասարակ էին, զանգատ չէին չալածում, իսկ տղամարդի ժպիտը—եւ չետոյ հասկացաչ—արտաբերում էր զարմացք՝ թէ ինչպէս է, որ եւ չեմ հասկանում աղախի հասարակ բանը: Նոյն օրը եւ տեսաչ գիւղերի մօտ հաչ կանանց, որոնք սարսափելի ցեխը կոխ տալով, աչ ու աչ կողմն էին գնում. նրանք շալակած էին փալտ, մեծ մեծ կողովներով դարման, ջլալներով չոր խոտ: Ոչ, մտածում էի եւ, նահապետական կինը բոլորովին ուրիշ կոչում ունի, բոլորովին ուրիշ դեր է խաղում ընտանիքում:

Նա մեծանում է, իւր հօր տանից ուրիշի տուն է գնում իբրև օտար մարդու կի՛ն, տանելով իւր հետ ալն միտքը, որ նա օգնական պիտի լինի իւր տղամարդի՛ն, մասնակից պիտի լինի նորա աշխատութեան։ Աշխատութիւնը շատ ձեռքեր է պահանջում։ որքան մեծ է ընտանիքի կազմածքը, նորա տարած գործը, ալնքան շատ պիտի լինի օգնողների, անողների թիւը։ Ունենալով ալսպիսի առաջնակարգ կենսական նշանակութիւն, աշխատութիւնը մի և նոյն ժամանակ ալն փորձաքարն է, որի միջոցով կի՛նը կամ աղջիկը ցոյց է տալիս իւր գեղեցկութիւնը, իւր հրապույժը։ Երիտասարդը իւր ծնողների կամքին հնազանդւելով, շտապում է տուն բերել մի նոր գործող ուժ, — ալդ իւր կի՛նն է, որ մեծ մասամբ անչափահաս աղջիկներից է լինում։ Ինչո՞վ է նա առաջնորդւում իւր ընտրութիւնների ժամանակ։ — Ըստ մեծի մասին նրանով, թէ որքան է աղջիկը համապատասխանում ալն նպատակին, որին նա պիտի ծառայէ մինչև կեանքի վերջը, ալսինքն որ աստիճան դիմացկան է, որքան կարող է աշխատել։ Քաղաքացի երիտասարդն էլ երբեմն անչափահաս աղջիկ է նշանում։ Բայց նա ինչ գաղափար ունի ալդ աղջկա՞յ վերալ։ — Ոչինչ։ Նա գիտէ միայն, որ ալդ աղջիկը մի օր իւր կի՛նն է դառնալու, հէնց ալդ պատճառով նա տքնում, աշխատում է ամեն կերպ, որ կարողանալ նորա սիրտը լափշտակել։ Դեռ ալդ ժամանակ նրան տանջում է ալն միտքը, թէ ինչպէս պիտի լինի, որ կի՛նը տաք կերպով կապւի իւր հետ, միայն իրան ճանաչէ։ Ուրիշ մի միջոց չը կա, նա սկսում է զարմացնել նրան իւր հարստութիւններով, իւր առատաձեռնութեամբ և ալ ալսպիսի չատկութիւններով, որոնք ալս աշխարհի հասկացողութեամբ ամենադեղեցիկ, խնկելի բաներն են։ Նա բերում է անչափահաս երեխալի համար ոսկի մատանիներ, քորոցներ, մանեակներ, չլացնում է խեղճ անչափահասին ազնիւ մետալի փալով, թանկագին քարերի շողողոցով, սովորացնում է նրան չը հաւանել իրեղէններից մէկը, լետ դարձնել, նորից անելի լաւը բերել տալ։ Իսկ երբ մի քանի անգամ ալդպէս կրկնելուց լետով անչափահաս նշանածը, տեսնելով իւր չորս կողմը ուրախ և սիրող դէմքեր, մի քիչ խստութեամբ է պահանջում նորը, լաւն առնել, աւելի սրամիտ կերպով է ծաղրում իւր չը հաւանած իրեղէնը, — փեսան հրճւում է, ինքն իրան բազդաւոր է անուանում և ասում է, որ իւր սրտի բաղձանքը կատարել է։ Ալն ինչ գիւղացի երիտասարդը աչքի տակով նալում է, դիտում թէ իւր ապագալ ամուսինը ինչքան «հալալ ծծկեր է», ալսինքն ինչպէս է յինում, սարքում, որքան ուժեղ է, որքան դիմացկան։ Նա ալն ժամանակն է ուրախանում, ալն ժամանակն է մի նշանած երիտասարդի քողցը չոյսերի մէջ ընկնում, երբ, օրինակ, տեսնում է հեռուից, որ աղջիկը ջրով լիքը մեծ կուժը շալակած՝ տղամարդի պէս տուն է տանում կարմրած, բալց առանց քրտինքի, հաստատ և ամուր քալեր անելով։ Ալդ քաղցրութիւնն է համապատասխանում քաղաքակրթած երիտասարդի վալելած վերև նկարա-

գրած քաղցրութեանը: Այդ քաղցրութիւններից որն է բաղդաւորութեան հասցնում: Ոսկու և աղամանդի փալլին սովորած աղջիկը, ամուսին դառնալուց լետու, իւր ճաշակն է զարգացնում: Նորա ուշն ու միտքը ալդ անսակ թանկագին իրերի վերալ է մնում: Նա իւր ամբողջ մտաւոր կարողութիւնը փալլեցնում է աչքի ընկած ամեն զգեստի, պաճուճանքի քննադատութեան մէջ: Նա ստանում է մի զարմանալի ընդունակութիւն՝ ոչ մի բանի չը հաւանելու, ամեն ինչ ծաղրելու: Հիմա տեսէք գիւղացի նորահարսին: Համարեա բոլոր դիւղերի հեռաւոր ծաղրերում կարելի է տեսնել գետնափոր խորշեր, որոնց առաջին անգամից չը գիտես թէ ինչ անոճ տաս: Խոզի բոլն անուանես թէ հին, անուշադիր թողած դարմանանոց: Բաց իրօք դրանք մարդկալին բնակարաններ են, ալդտեղ են ապրում նոր կազմած ընտանիքները:

Քիչ հետեւե՛ք ալդ նորակազմ ընտանիքներին:

Մենք տեսա՛ք, որ գիւղացու բարօրութիւնը, տնտեսական կարողութիւնը ընտանիքի ամբողջութիւնից է կախւած: Քանի որ մի լարկի տակ ապրում են մի քանի մարդիկ, քանի որ ալդ մարդկանց մէջ կալ միասին ապրելու ցանկութիւն, ալդ ընտանիքը մի կենդրոն է, որի գոլութիւնը անհնարին է առանց փոխադարձ համերայխութեան, առանց սերտ կապակցութեան: Հէնց որ թուանում է կապը, հէնց որ խզւում է մի տեղ հաւաքող շաղկապը, ընտանիքի ծոցից դուրս է գալիս մի հատւած, որ իսկոյն բոլն է դնում մի ուրիշ տեղ, իսկոյն կազմակերպւում է նոյն սկզբունքների վերալ և հաստատ հիմք է բռնում: Այդ բաժանումը իսկապէս ընտանիքի նշանակութիւնը, ոյժը չի թուլացնում: Եթէ ֆլասում է տընտեսական կողմը, բաց բաժանւածները դրանով չեն փոխում իրանց չարաբերութիւնը դէպի ալն տեղը, ուր օր ու գիշեր բնակւում են: Բաժանւողները ըստ մեծի մասին նոր պսակւածներն են լինում: Նրանք են, որ չ'ունենալով կարողութիւն, առաջին անգամ հաստատւում են մեր վշած գետնափոր խորշերում: Սկզբում կեանքը ալդ տեղերում վերին աստիճանի աղքատ է, լուսահատութիւն պատճառող, շատ անգամ չոր անգամ չը կալ, որ ծածկեն ու քնեն: Բաց օրէցօր նկատելի է լինում փոփոխութիւն դէպի լաւ: Գետնափոր խորշը հետզհետէ ընդունում է բնակարանի տեսք, հետզհետէ մաքրւում է, տաքանում և մի քանի տարուց լետու արդէն մի օրինաւոր օջախ է դառնում: Այդ գործի մէջ ամենամեծ ծանրութիւնը նորահարսի վերալ էր: Տղամարդը իւր աշխատութիւնն էր տանում, ալդ ճիշդ է, բաց կի՛նն էր, որ համ ներսումն էր աշխատում, համ էլ դրսում երկպատիկ, ևռապատիկ շատ էր աշխատում, միանգամայն տղամարդի անելիքն էր անում, որպէս զի աշխատողը մէկը չը լինի, ալ եթէ հնարաւոր է՝ երկուսով երեք աշխատաւորի դործը կատարւի: Ահա ալդպէս թոյլ և անօգնական ընտանիքը հետզհետէ զօրեղանում է, հաստատւում, տիրանում է մի լալտնի աստիճանի անկախութեան և անցնում է միւս սովորական ընտանիքների կարգը:

Նահապետական պարզ ընտանիքում կինը և առհասարակ ամենքը, որ տանն են նստում, ազատ չեն դրսի հանգամանքների ազդեցութիւնից, նրանք էլ կրում են ալն ամենը, ինչ կրում է դրսում գործող տղամարդը։ Վճռական ընկերներում, արտաքին աշխարհի պահանջները ամբողջ ընտանիքի վերալ են ընկնում և ոչ միայն տղամարդի վերալ, թէև տղամարդն է ալն միակ անձը, որ պատասխանատու է պահանջողների առաջ։ Պէտք է հարկերը վճարել, խստութեամբ պահանջում են, չետաճգելու իրաւունք չեն տալիս, իսկ փող չը կալ։ Միւս կողմից տան տղամարդը պարտքի տակ է, վաշխառուն վաղուց է չալտնել թէ վճարելու ժամանակն է և ալժամ կաշի է քերթում, ամեն օր մի հրապարակական խաղառակութիւն է անում։ Ի՞նչ պատասխան պէտք է տալ հարկահանին կամ վաշխառւին։ Ինչպէս և լինի պատասխանը, բալց նա միայն տղամարդին չի վերաբերում։ Նրանց առաջն են դուրս գալիս ընտանիքի բոլոր անդամները, խաղառակչութիւն, ծեծ, հաչուլանք—ալդ բոլորը միասին են ստանում։ Եւ միասին էլ հոգում են իրանց ցաւերը։ Տեսնում ես, ամբողջ ընտանիքը մի և նոյն կերպով սկսում է աշխատել, պակասեցնում է իւր ծախքերը. ամենքը լուռ ու մուշ իրանց կաշին են քերթում որ պարտքից, պատուհասից ազատեն։ Ամեն մէկն իւր բաժինն է դնում։ Մինչև անգամ տասն տարեկան աղջիկն էլ իւր գործած մի ջուլտ դուլքան է մէջ տեղ բերում, իսկ նրանից քիչ մեծ տղան մէկի ծառան է դառնում, կոպէկներ հաւաքում։ Տան տղամարդի վերալ ընկած ծանրութիւնը, ինչպէս տեսնում էք, ալ ևս ալնքան չի ցաւացնում նորա մէջքը։ Գիւղացի կլին ինքն է ասում թէ տղամարդի մէջքը բարակ կը լինի։ Բարակ մէջքը շատ բանի չէր դիմանալ, շուտ կը կոտրւէր, եթէ միշտ մեռակ մնար։ Բալց ալդ մէջքը պահւում է, չի կոտրւում, որովհետև կինը, որ գիտէ մէջքի բարակութիւնը, գիտէ նաև թէ ինչպէս պիտի լինի, որ մէջքը հաստանալ, դիմանալու կարողութիւն ունենալ։ Դորա համար նա ուրիշ միջոց չ'ունի, նորա գիտեցածն ալն է, որ ալդ թանկագին մէջքին պիտի օգնութիւն տալ իւր սեպհական մէջքը։ Ալդպէս անելով, նա տղամարդին ընդ միշտ չի ազատում ծանրութիւնից, ալ թեթեւացնում է ալն բեռը, որ տղամարդը կրում է իւր ընտանիքի համար։

Նահապետական ընտանիքում տղամարդը մեր երեակալածի չափ բռնաւոր չէ։ Նա, ճշմարիտ է, ընտանիքի տէրն է։ Նրան պատում են, նրան հնազանդում են։ Նրան համարում են տան արեգակ, նորա արևույն են երդւում։ Բալց տղամարդը միայն ընտանիքի տէրն է և ոչ մի ինքնակալ բռնաւոր, որի կամքին պիտի «մատաղ գնան» բոլորը, որի ցանկութիւնիցն է կախւած ալս կամ ալն կերպ գործ տեսնելը, ընտանիք պահելը։ Նա ընտանիքի անդամների հետ խորհրդակցելով է գործում։ Եթէ չ'ունի հալը կամ եղբայրներ, հաճութեամբ խորհրդի է նստում իւր կնոջ, իւր մօր հետ։ Ընտանեկան խորհուրդները շատ լաճախ են կապանում։ ամեն մի շատ

Թէ քիչ նշանաւոր դէպք, ամեն մի հարց ալդ խորհուրդների առարկան է դառնում: Մանաւանդ պատկառելի են ալդ խորհուրդները ալն տներում, ուր կան ծերունի նահապետ և մի քանի եղբայրներ: Ընտանիքի անդամների մէջ ծածուկ բան չէ մնում. ամենքին ձայն է հասնում, ամեն մէկը իրաւունք ունի կարծիք չափանելու: Թէև ժողովրդի հասկացողութիւնն է, որ տարիները անելացնում են մարդու խելքը, հմտութիւնը և ալդ պատճառով վճռական խօսքը տարիքով մեծին է պատկանում, բայց և ալդպէս փոքրահասակն էլ խօսելու, ձայն բարձրացնելու իրաւունք ունի, եթէ միայն նա չափանի է իբրեւ ընտանիքի համար աշխատող, նորա շահերը միայն ի նկատի ունեցող մարդ: Խորհում են, վճռում են մի բան և անում են ալնպէս, ինչպէս «խելք խելքի տալով» են վճռել: Միմեանց շատ քիչ են հակառակում, շատ քիչ են ընդդիմանում. նրանք բոլորը գիտեն, որ զատ զատ մարդիկ չեն, այլ հաւասար պարտականութիւն ունեցող անդամներ մի մեծ և սուրբ հիմնարկութեան, որ օջախ է ասում:

Օջախ—ահա ալն քարը, որի վերաջ հաստատւած է նահապետական ընտանիքը: Դա մի բարդ հասկացողութիւն է. դա մի սրբութիւն է, որ բազմած է ընտանիքի մէջ, ընտանիքի սիրտն է, նրան հոգի, կենդանութիւն տւողն է: Օջախի սէրից բարձր, վառվռուն սէր չընկալ նահապետական աշխարհում:

Նահապետական հալ կնոջ մասին մեր տւած տեղեկութիւնները դեռ նրան ամբողջապէս չեն լուսաւորում, չեն պարզում նորա էութիւնը: Եթէ ուզում ենք լաւ իմանալ թէ ինչ է հալ կինը, պիտի ուսումնասիրենք թէ ինչ բան է օջախը:

Ուրեմն մեր կարողացածի չափ ծանօթացանք ալդ ընտանեկան սրբաբանի հետ:

Լ Է Օ